



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
Komisija za finansije i budžet
Broj: 01/4-011-513/02
Sarajevo, 22. maja 2002.godine.

Z A P I S N I K
sa 29. sjednice Komisije za finansije i budžet Predstavničkog doma
Parlamentarne skupštine Bosne i Hercegovine,
održane 22. maja 2002.godine

Sjednica je počela u 12 sati.

Sjednicom je predsjedavala Emina Začiragić, predsjedavajući Komisije.

Sjednici su prisustvovali: Ramiz Vilić, Salih Kulenović, Dragi Stanimirović, Boro Bjelobrk, Zdenko Vukić, Tihomir Gligorić. Ljubomir Kovačević i Mirko Baković.

Sjednici je prisustvovali: Muharem Imamović i Gordana Ković, zamjenici ministra za trezor institucija BiH, Reuf Hadžibegić, pomoćnik ministra vanjske trgovine i ekonomskih odnosa, Emina Topčagić savjetnik u Ministarstvu vanjske trgovine i ekonomskih odnosa, Nataša Vulin rukovodilac Odjeljenja u Ministarstvu vanjske trgovine i ekonomskih odnosa. Vasil Žarković, savjetnik za ekonomska i finansijaska pitanja u Predsjedništvu BiH, Dragan Kovačević viceguverner Centralne banke BiH, Samir Mušović i Dragan Kulina zamjenici generalnog revizora u Uredu za reviziju finansijskog poslovanja institucija BiH.

Za sjednicu Komisije je predložen i jednoglasno usvojen sljedeći

D N E V N I R E D

1. Usvajanje Zapisnika sa 26,27 i 28. sjednice Komisije
2. Razmatranje Zakona o izmjenama i dopunama Zakona o industrijskom vlasništvu Bosne i Hercegovine
3. Razmatranje Prijedloga Budžeta institucija BiH i međunarodnih obaveza BiH za 2002. godinu
4. Razmatranje prijedloga Zakona o izvršenju Budžeta institucija BiH i međunarodnih obaveza BiH za 2002. godinu
5. Godišnji Izvrštaj Centralne banke BiH za 2001. i Finansijski izvještaj Centralne banke BiH za 2001.

6. Izvještaj o poslovanja Ureda za reviziju finansijskog poslovanja institucija BiH za 2001.

7. Sporazum između Vijeća ministara BiH i Vlade SR Njemačke o finansijskoj pomoći radi osnivanja preduzeća od strane stručne radne snage koja se vraća u Bosnu i Hercegovinu

8. Tekuća pitanja.

Ad-1

Zapisnici 26, 27 i 28. sjednice Komisije usvojeni su jednoglasno bez primjedbi.

Ad-2

Razmatranje Zakona o izmjenama i dopunama Zakona o industrijskom vlasništvu Bosne i Hercegovine

Izmjene i dopune zakona o industrijskom vlasništvu Bosne i Hercegovine odnose se na član 66. koji se treba uskladiti sa rokom Svjetske organizacije za intelektualno vlasništvo.

U raspravi su učestvovali: Boro Bjelobrk, Tihomir Gligorić, Salih Kulenović, Mirko Baković i Ljubomir Kovačević.

Radi neprisustvovanja ministra ili zamjenika ministra ispred predlagača zakona, a na osnovu ranije usvojenog zaključka od strane Komisije, sa tri glasa "za" i pet "uzdržanih" glasova ne može se dostaviti Izvještaj Domu o razmatranju i mišljenju Komisije na Prijedlog zakona o izmjenama i dopunama Zakona o industrijskom vlasništvu BiH.

Ad-3 i Ad-4

Razmatranje Prijedloga Budžeta institucija BiH i međunarodnih obaveza BiH za 2002. godinu

Razmatranje prijedloga Zakona o izvršenju Budžeta institucija BiH i međunarodnih obaveza BiH za 2002. godinu

O navedenim materijalima vodila se preliminarna rasprava jer se očekivalo da Predsjedništvo BiH dostavi novi tekst materijala, ispred predlagača i obrađivača Zakona uvodne napomene dali su Vasil Žarković i Muharem Imamović. Istaknuto je da se usvajanjem Zakona o namjeni i korištenju dijela imovine koju je Bosna i Hercegovina dobila po Sporazumu o pitanjima sukcesiji trebao sačiniti novi tekst Budžeta i Zakona o njegovom izvršenju od strana Predsjedništva BiH.

U raspravi su učestvovali: Tihomir Gligorić, Boro Bjelobrk, Salih Kulenović, Ramiz Vilić, Dragi Stanimirović, Ljubomir Kovačević, Mirko Baković, Emina Začiragić i Zdenko Vukić.

Istaknuto je da ne bi trebalo politizirati pitanje agenta kod zastupanja pred Međunarodnoim sudom u Hagu za tužbu podnesenu protiv SR Jugoslavije, da tužba postoji i da je imenovan agent za njeno zastupanje pred sudom, ali pojedini učesnici u diskusiji su istakli da se po prvi puta ta stavka u Budžetu unosi i da je potrebno brisati tu stavku.

Većina članova Komisije je mišljenja da se Budžet institucija BiH i međunarodnih obaveza BiH za 2002. usvoji kao i Zakon o njegovim izvršenju u tekstu koji je predložilo Pradsjedništvo BiH.

Komisija je ponovo u obavezi razmatrati prijedloge navedenih akata kada joj se dostave u proceduru.

Ad-5

Godišnji Izvještaj Centralne banke BiH za 2001. i Finansijski izvještaj Centralne banke BiH za 2001.

Dragan Kovačević, viceguverner Centralne banke BiH da je uvodne napomene po ovoj tački dnevnog reda, napomenuvši da je u svim elementima Centralna banka ostvarila svoje funkcije.

U raspravi su učestvovali Ljubomir Kovačević i Boro Bjelobrk.

Ljubomir Kovačević je postavio pitanje. "koje su šanse i rizici za dalji opstanak valutnog odbora i postoji li mogućnost proširenja njegovih ingerencija?"

Konstatovano je da je Centralna banka BiH jedna od institucija koja je najbolje operacionalizirala svoje zadatke i zaključeno da se predloži Domu da prihvati Izvještaj.

Viceguverner je napomenuo da Centralna banka priprema "Projekt borbe protiv siromaštva" i inicirala je širi skup na temu "monetarni aranžmani Centralne banke BiH".

Ad-6

Izvještaj o poslovanja Ureda za reviziju finansijskog poslovanja institucija BiH za 2001.

Uvodne napomene dali su Samir Mašović i Dragan Kulina.

U diskusiji su učestvovali: Boro Bjelobrk i Emina Začiragić.

Istaknuto je da se što prije treba pristupiti analizi realizacije finansijskog poslovanja institucija BiH. Uz manjkavosti pravne potpore obrade legislative iz Izvještaja, preći u kontrolu realizacije ciljeva institucija BiH koje kontroliše Ured za reviziju. Revizija odnosno analiza revizije učinaka je nova svjetska disciplina. Za reviziju učinaka ne postoje međunarodni standardi niti postoji institucija koja će obrazovati revizora učinaka, niti postoji revizor učinaka na nivou budžetskih korisnika. Sugerisano je da Ured plan i troškove revizije učinaka podnese Komisiji.

Zaključeno je da Ured dostavi Komisiji do sada završene finansijske izvještaje kako bi se mogli početi razmatrati na sjednici Komisije.

Komisija je zaključila da predloži Domu da usvoji Izvještaj uz konstataciju da Ured nema pravnu legislativu za potpun rad i da se u pravcu revizije učinaka trebaju planirati sredstva koja pokrivaju budžetsku 2002. i 2003. godinu.


Ad-7

**Sporazum između Vijeća ministara BiH i Vlade SR Njemačke o
finansijskoj pomoći radi osnivanja preduzeća od strane stručne radne snage
koja se vraća u Bosnu i Hercegovinu**

Zbog neprisustvovanja ministra ili zamjenika ministra ispred predlagača-
potpisnika Sporazuma, a na osnovu ranije usvojenog zaključka od strane Komisije,
sa tri glasa "za" i pet "uzdržanih" glasova ne može se dostaviti Izvještaj Domu.

Sjednica je završila u 16:00 sati.

Sekratar Komisije
Emira Češljarić



Predsjedavajući Komisije
Emina Začtragić

